

絕
妙
好
詞
箋
卷
上

絕妙好詞箋卷七

弁陽老人周密原輯

宛平查爲仁

同箋

錢唐厲鶚

周密

密字公謹濟南人寓居吳興復居錢唐寶祐閒爲義烏令自號草窗又號弁陽嘯翁又號蕭齋又號四水潛夫詩名蠟屐集詞名蘋洲漁笛譜雜著有癸辛雜識四卷齊東野語二十卷志雅堂雜鈔一卷浩然齋視聽鈔弁陽客談武林舊事十卷澄懷錄二卷雲煙過眼錄一卷

國香慢

賦子固凌波圖

夷則商

玉潤金明記曲屏小几翦葉移根經年汜人重見瘦影娉婷
雨帶風襟零落步雲冷鷺筦吹春相逢舊京洛素靨塵緇仙
掌霜凝 國香流落恨正冰銷翠薄誰念遺簪水空天遠應

念磐弟梅兄渺渺魚波望極五十絃愁滿湘雲淒涼耿無語
夢入東風雪盡江清

珊瑚網趙孟堅水墨雙鉤水仙卷自跋云余久不作此
又方病目未愈子用徵風諾良亟急起描寫轉益拙俗
觀者求於形似之外可爾彝齋弁陽老人周密題夷則
國香慢云云
樂郊私語云趙孟堅子固宋宗室也入本朝隱居嘉禾
之廣陳鎮時載以一舟舟中琴書尊勺畢具往往泊蓼
汀葦岸看夕陽賦曉月爲事從弟子昂自茗中來訪公
閉門不納夫人勸之始令從後門入坐定第問弁山景
澤佳否子昂云佳公曰弟奈山澤佳何子昂慚退
畫鑑云趙子固墨蘭最妙葉如鐵花莖亦佳作石用筆
如飛白書狀前人無此也畫梅竹水仙松枝皆入妙品
水菡爲尤高子昂專師其蘭石覽者當自知其高下
畫禪室隨筆云子固水仙欲與楊无咎梅花作敵周草
窗極重其品曾刺舟嚴陵灘下見新月出水大笑云此
文公所謂綠淨不可唾乃我水仙出現也

一萼紅

登蓬萊閣有感

步淡幽正雲黃天淡雪意未全休鑑曲寒沙茂林煙草俛仰
今古悠悠歲華晚漂零漸遠誰念我同載五湖舟磴古松斜
厓陰苔老一片清愁 回首天涯歸夢幾魂飛西浦淚灑東
州故國山川故園心眼還似王粲登樓最負他秦鬟妝鏡好
江山何事此時遊爲喚狂吟老監共賦銷憂自注云閣在紹興西浦東州皆其地

王象之輿地紀勝云紹興郡治在卧龍山上蓬萊閣在
郡設廳後取元微之我是玉皇香案吏謫居猶得近蓬
萊句也名公多題詠沈紳詩云玉鉉相公頒瑞地金貂
仙子挂冠鄉錢公輔云一級一級煙雲生四面四面屏
障迎秦觀詩云路隔西陵三兩水門臨南鎮一千峯
會稽志張伯玉州宅詩序云越守王工部至和中新葺
蓬萊閣成畫圖來乞詩工部乃王達也

掃花游 九日懷歸

江籬怨碧早過了霜花錦空洲渚孤蛩自語正長安亂葉萬
家砧杵塵染秋衣誰念西風倦旅恨無據悵望極歸舟天際
煙樹 心事曾細數怕水葉沈紅夢雲離去情絲恨縷倩回
紋爲織那時愁句雁字無多寫得相思幾許暗凝竝近重陽
滿城風雨

三姝媚

送聖與還越

淺寒梅未綻正潮過西陵短亭逢雁秉燭相看歎俊游零落
滿襟依黯露草霜花愁正在廢宮蕪苑明月河橋笛外樽前
舊情消減 莫訴離觴淺淺恨聚散恩恩夢隨颿遠玉鏡塵
昏怕賦情人老後逢淒惋一樣歸心又喚起故園愁眼立盡
斜陽無語空江歲晚

法曲獻仙音

弔雪香亭梅

松雪飄寒嶺雲吹凍紅破數椒春淺襯舞臺荒浣妝池冷淒
涼市朝輕換歎花與人凋謝依依歲華晚 共淒黯問東風
幾番吹夢應慣識當年翠屏金輦一片古今愁但廢綠平煙
空遠無語銷魂對斜陽衰草淚滿又西泠殘笛低送數聲春

怨

武林舊事云集芳園在葛嶺元係張婉儀園後歸太后
殿內有古梅老松甚多理宗賜賈平章舊有清勝堂望
江亭雪香亭等

高陽臺

送陳君衡被召

照野旌旗朝天車馬平沙萬里天低寶帶金章樽前茸帽風
敲秦關汴水經行地想登臨都付新詩縱英游疊鼓清笳駿

馬名姬 酒酣應對燕山雪正冰河月凍曉隴雲飛投老殘
年江南誰念方回東風漸綠西湖桺雁已還人未南歸最關
情折盡梅花難寄相思

慶宮春

送趙元父過吳

重疊雲衣微茫鴻影短篷穩載吳雪霜葉敲寒風燈搖暈棹
歌人語嗚咽擁衾呼酒正百里冰河乍合千山換色一鏡無
塵玉龍吹裂 夜淡醉躡長虹表裏空明古今清絕高堂在
否登臨休賦忍見舊時明月翠銷香冷怕空負年芳輕別孤
山春早一樹梅花待君同折

高陽臺

寄越中諸友

小雨分江殘寒迷浦春容淺入蒹葭雪霽空城燕歸何處人

家夢魂欲渡蒼茫去怕夢輕還被愁遮感流年夜汝東還冷
照西斜淒淒望極王孫草認雲中煙樹鷗外春沙白髮青
山可憐相對蒼華歸鴻自趁潮回去笑倦遊猶是天涯問東
風先到垂楊後到梅花

探芳信

西泠春感

步晴晝向水院維舟津亭喚酒歎劉郎重到依依漫懷舊東
風空結丁香怨花與人俱瘦甚淒涼暗草沿池冷苔侵甃
橋外晚風驟正香雪隨波淺煙迷岫廢苑塵梁如今燕來否
翠雲零落空隄冷往事休回首最銷魂一片斜陽戀柳

水龍吟

白荷

素鸞飛下青冥舞衣半惹涼雲碎藍田種玉綠房迎曉一匳

秋意擎露盤淡憶君清夜暗傾鉛水想鴛鴦正結梨雲好夢
西風冷還驚起應是飛瓊仙會倚涼飈碧簪斜墜輕妝鬪
白明璫照影紅衣羞避霽月三更粉雲千點靜香十里聽湘
絃奏徹冰綃偷翦聚相思淚

樂府補題宛委山房賦龍涎香調天香浮翠山房賦白
蓮調水龍吟紫雲山房賦蕁調摸魚兒餘閒書院賦蟬
調齊天樂天柱山房賦蠅調桂枝香倡和者爲玉筍王
沂孫聖與黃洲周密公謹天柱王易簡理得友竹馮應
瑞祥父瑤翠唐藝孫英發紫雲呂同老和父篋房李彭
老商隱宛委陳恕可行之菊山唐珙玉潛月洲趙汝鈞
眞卿五松李居仁師呂玉田張炎叔夏山村仇遠仁近
皆宋遺民也按陳恕可別本作練非陳旅安雅堂集有
陳行之墓志云會稽陳恕可古靈先生述古之後有樂
府補題一卷其爲姓陳無疑

傲顰十解

四字令

擬花閒

眉消睡黃春凝淚妝玉屏水暖微香聽蜂兒打窗
箏塵半
牀綃痕半方愁心欲訴垂楊奈飛紅正忙

西江月

延祥觀拒霜擬稼軒

綠綺紫絲步障紅鸞綵鳳仙城誰將三十六陂春換得兩隄
秋錦
眼纈醉迷朱碧筆花俊賞丹青斜陽展盡趙昌屏羞
死舞鸞妝鏡

武林舊事云孤山路四聖延祥觀有韋太后沈香四聖
像小蓬萊閣瀛嶼堂金沙井六一泉花寒水潔氣象幽
古三朝臨幸

江城子

擬蒲江

羅窗曉色透花明
艷瑤笙按瑤箏
試訊東風能有幾分春
二
十四闌憑玉暖楊柳月海棠陰
依依愁翠沁雙顰
愛鶯聲

怕鵲聲人自多情春去自無情把酒問花花不語花外夢夢
中雲

少年游

宮詞擬梅溪

簾銷寶篆捲宮羅蜂蝶撲飛梭一樣東風燕梁鶯院那處春
多曉妝日日隨春輦多在牡丹坡花深深處柳陰陰處一
片笙歌

好事近

擬東澤

新雨洗花塵撲撲小庭香溼早是垂楊煙老漸嫩黃成碧
晚簾都捲看青山山外更山色一色梨花新月伴夜窗吹笛

西江月

擬花翁

情縷紅絲冉冉嘯花碧袖熒熒迷香雙蝶下庭心一行情情

簾影 北里紅紅短夢東風燕燕前塵稱銷不過牡丹情中
半傷春酒病

醉落魄 擬參晦

憶憶憶宮羅褶褶銷金色吹花有盡情無極淚滴空簾香
潤柳枝溼 春愁浩蕩湘波窄紅蘭夢繞江南北燕鶯都是
東風客移盡庭陰風老杏花白

朝中措 茉莉擬夢窗

綵繩朱乘駕濤雲親見許飛瓊多定梅魂纔返香瘢半招秋
痕 枕函釵縷熏篝芳焙兒女心情尙有第三花在不妨畱
待涼生

醉落魄 擬二隱

餘寒正怯金釵影卸東風揭舞衣絲損愁千褶一縷楊絲猶
是去年折臨窗擁髻愁難說花庭一寸燕支雪春花似舊
心情別待摘玫瑰飛下粉黃蠅

浣溪沙

擬梅川

蠶已三眠桺二眠雙竿初起畫鞦韆鶯櫳風響十三絃魚
素不傳新信息鸞膠難續舊姻緣薄情明月幾番圓

甘州

燈夕書寄二隱

漸萋萋芳草綠江南輕暉弄春容記少年遊處簫聲巷陌燈
影簾櫳月暖烘爐戲鼓十里步香紅欹枕聽新雨往事朦朧
還是江南春夢曉怕等閒愁見雁影西東喜故人好在水

驛寄詩筒數芳程漸催花信送歸帆知第幾番風空吟想梅

花千樹人在山中

躡莎行

與莫兩山談邢城舊事

遠草情鍾孤花韻勝一樓聳翠生秋暝十年二十四橋春轉
頭明月簫聲冷 賦藥才高題瓊語俊蒸香壓酒芙蓉頂景
留人去怕思量桂窗風霜秋眠醒

詞旨警句夢魂欲度蒼茫去怕夢輕還被愁遮高陽臺
休綴潘郎鬢影怕綠窗年少人驚聲聲慢柳花花花深深
處柳陰陰處一片笙歌少年游

賓洲漁笛譜曲游春游西湖云禁苑東風外颺暖絲
晴絮春思如織燕約鶯期芳情偏在翠溪紅隙漠漠
香塵隔沸十里亂絲叢笛看畫船盡入西泠閒卻半
湖春色柳陌新煙凝碧映簾底宮眉隄上游勒輕暝
籠煙怕梨雲夢冷杏香愁冪歌管酬寒食奈蜨怨良
宵岑寂正滿湖碎月搖花怎生去得秣案芳字上失
惱字

武林舊事云都城自過收燈貴游巨室爭先出郊謂
之探春水面畫楫櫛比如鱗無行舟之路遊之次第

先南而後北至午則盡人西冷橋裏湖其外幾無一
舸矣并陽老人有詞云看畫船盡入西冷閒卻半湖
春色蓋紀實也

馬臻霞外集西湖春日壯遊詩云畫船過午入西冷
人擁孤山陌上塵應被并陽摸寫盡晚來閒卻半湖
春

蓉塘詩話周草窗西湖十景詞調寄木蘭花慢蘇隄

春曉云恰芳菲夢醒漾殘月轉湘簾正翠暎收鐘彤

墀放仗臺榭輕煙東園夜游乍散聽金壺逗曉歇花

籤宮柳微開露眼小鶯最泥春眠冰匳黛淺紅鮮臨

曉鏡競晨妍怕誤卻佳期宿妝旋整忙上雕軒都緣

探芳起早看隄邊早有已開船薇帳殘香淚蠟有人

病酒厭厭平湖秋月云碧霄澄暮靄引瓊鴛碾秋光

看翠闕風高樓夜半誰搗元霜蒼茫玉田萬頃趁

仙槎咫尺接天潢彷彿凌波步影露濃環佩衣涼鳴

璫淨洗新妝隨皓彩過西廂正霧衣香潤雲鬟紺溼

私語相將鴛鴦誤驚曉夢掠芙蓉度影入銀塘十二

闌干佇立鳳簫怨徹清商斷橋殘雪云覓梅花信息

擁吟袖暮鞭寒自放鶴人歸月香水影詩冷孤山等

閒伴寒暄暖看融成御水到人間瓦隴竹杳更好柳

邊小駐游鞍琅玕半倚雲灣孤棹晚載詩逕是醉魂
醒處畫橋第二區月初三東闌有人步玉怪冰沁

溼錦鸞斑還見晴波漲綠謝池夢草相關雷峯夕照
云塔輪分斷雨倒霞影漾新晴看滿鑑春紅輕橈占
岸壘鼓收聲簾旌半鉤待燕料香濃徑遠趨蜂程芳
陌人扶醉玉路傍嬾拾遺簪郊坰未厭遊情雲暮合
謾銷凝想罷歌停舞煙花露柳都付棲鶯重圍已催
鳳鑰正鉤車繡勒入爭門銀燭擎花夜煖禁街淡月
黃昏麴院風荷云輭塵飛不到過微雨錦機張正綠
蔭池幽交枝徑窄臨水追涼宮妝蓋羅障暑泛青蘋
亂舞五雲裳迷眼紅綃綠翠淺偷見鴛鴦湖光兩
岸瀟湘風薦爽扇搖香算惱人偏是縈絲露藕連理
秋房涉江采芳舊恨怕紅衣夜冷落橫塘折得荷花
忘卻棹歌唱入斜陽花港觀魚云六橋春浪暖漲桃
雨鰕初肥正短棹輕蓑牽蓊苳帶縈網蓴絲依稀岸
紅迢遠泛仙舟誤入武陵溪何處金刀贈玉畫船傍
柳頻催芳隄漸滿斜暉舟葉亂浪花飛聽暮柳聲合
鷗沈暗渚鷺起煙磯漣漪夜淡浪靜任煙寒自載月
明歸三十六鱗過卻素牋不寄相思南屏晚鐘云疏
鐘敲暝色正遠樹綠情情看渡水僧歸投林鳥聚煙
冷秋屏孤雲漸沈雁影尚殘簫倦鼓催更羅袖怯暮寒
鴉未穩露梢已挂疏星重城禁鼓催更羅袖怯暮寒
輕想綺疏空掩鸞綃翳錦魚鑰收銀蘭鐙伴人夜語
怕香消漏水著溫存猶憶迴廊待月畫闌倚徧桐陰

柳浪聞鶯云晴空搖翠浪畫禽靜霽煙收聽暗柳
鶯新簧弄巧如度秦謳誰抽翠絲萬縷颺金梭宛轉
織芳愁風裊餘音甚處絮花三月宮溝扁舟纜繫輕
柔沙路遠倦追遊望斷橋殘日蠻腰競舞蘇小牆頭
偏憂杜鵑喚去愛絲蠻竟日挽春畱曉覺瓊疏午夢
翠丸驚度西樓三潭印月云游船人散後正蟾影瀉
寒湫看冷沁蛟眠清宜兔浴皓彩輕浮扁舟泛天鏡
裏遡流光澄碧浸明眸栖鷺空驚碧草素鱗遠避金
鉤臨流萬象涵秋懷渺渺水悠悠念漢皋遺佩湘波
步襪空想仙遊風收翠閣乍啟度飛星倒影入芳洲
瑤瑟誰彈古怨渚宮夜舞潛虬兩峯插雲云碧尖相
對處向煙外挹遙岑記舞鸞嬌媛天香桂子曾去幽
尋輕陰易晴易雨看南峯淡日北峯雲雙塔擎秋露
冷亂鐘曉送霜清登臨望眼增明沙路白海門青正
地幽天迴水鳴山籟風奏松琴虛檻半空聚遠倚闌
干暮色與雲平明月千巖夜午遡風跨鶴吹笙
張炎山中白雲一萼紅弁陽翁新居堂名志雅詞名
蕢洲漁笛譜製荷衣傷山窗卜隱雅志可閒時款竹
門溪移花檻小動人芳意菲菲怕冷落蕢洲夜月想
時將漁笛靜中吹塵外柴桑鐙前兒女笑語忘歸分
得煙霞數畝乍掃苔尋徑撥葉通池放鶴幽情吟
懽事老去卻願春遲愛吾廬琴書自樂好襟懷初不